

遂寧新志卷一

地 280.141
42
部 = : 1~8

遂寧縣教育局印

中華民國十八年冬修成

遂寧新志

縣教育局藏板

新修遂寧縣志序

家鉅

東髮受書時聞鄉先輩談蜀中舊事莫不日相業以張文端公爲最優科第以榜眼李仙根爲最早至以詩書畫三絕樹幟立壇爲後賢所景仰企慕者前則潘叟呂半隱後則檢討張船山問其人均遂甯也夫勝清一代二百餘年以總揆謚文端者蜀中僅二人而遂甯居其一以鼎甲顯者蜀中僅三人而遂甯又居其一他如風流儒雅海內知名如彭田橋王懷孟朱眉君李湘石諸君子非不各負時譽然以半隱船山較之亦若有上下牀之別曩時私心竊計以爲人才輩出如是非山川靈秀清淑之氣鬱積磅礴

遂寧縣志

卷一序

不克臻此常欲一涉其地親覩之以爲快丙寅駐軍遂甯見其山水明秀風物清佳民俗尙樸而不失之野士習好儒而不失之浮始信前賢之流風餘韻薰蒸涵育歷久不沫非偶然也

家鉅
仰止

前徽勗勉後進平時訓迪學校諸生諄諄以矩矱前賢追蹤先哲爲言蓋欲於流俗波靡中默寓挽救之意當

家鉅
駐軍之始前知

事甘君炯熙查照縣會議案倡首修志未幾卸任以去邑紳前清進士王君伯藩繼其事三閱寒暑至己巳春告竣蓋遂甯志書至是已修纂四次矣王君所撰於原志無大增損於續志則刪節較多至近二十年中政體之變易建置之遷改局署之存毀學校之



更張條分縷晰畧無遺漏所難者遂潼分縣畫界一事輻輳殊甚疆域沿革尤須存信王君言之綦詳不特可備省志採擇卽將來民國一統志成亦得所依據焉則甚矣邑乘方志之所關大也

家
鉦 樂觀厥成爰誌其概畧如此當今之世波詭雲譎有江河日下之勢撫是編者時存扶衰救弊之心潛移默化隱示軌塗安見薰陶漸染不有魁儒碩士如張李諸公接踵而起以增志乘之光者乎是所望於邦人君子

民國十八年歲次己巳孟夏月中浣蒲江李家鉦謹序

新修遂寧縣志序

修史與修志之道其體要有四曰公曰謹曰簡曰賅是已公則無所忌諱謹則無所阿私簡則弗至龐駁賅則弗至漏遺非是者不
僅不得爲實錄抑且不足備異聞也顧國朝之史與郡縣之志其
秉筆往往難易不同者何哉則以史多述而志多創故也夫馬遷
承左國而纂史記范曄因荀謝而續漢書青藍所出其迹殆不可
掩矣至若記荆楚之歲時傳襄陽之耆舊志建安之士物其旁搜
博討亦猶輪輿之功昉斲削也況夫荒陬遐野委巷窮閭瑰奇卓
絕之行事草蘆石室巖穴碑碣秘藏劇泐之文章又皆筆削之所

遂寧縣志

卷一 序

三

屢遺輶軒之所未採而必待縉紳耆宿口談而手錄之然後乃能
斟酌損益裒成巨帙而不悖乎公謹簡賅四者之體要焉此修志
之所由難於修史也斯志自前清張文端公訪求殘缺分別部居
括以土地人民政事爲卷十二可謂謹且公矣逮清季葉續加編
增爲卷凡六篇帙較省而汰氣候時序之繁蕪補經濟藝文之闕
畧可謂簡且賅矣民國改造首修省志縣人承流再勞編訂卷僅
增二分目四十有二特著戶口慈善實業交通諸門類此尤得其
體要足以驗時勢之遷流而覘民生之急務者矣然而猶有說焉
今夫縣與縣集而爲省省與省彙而爲國故一代必有典章文化

之措施地方亦各有政教風俗之表著弗有紀載則無可以信今而傳後無所觀感則亦不能興善而替否然則有親民之責者覩斯志之底成信文獻之足徵其能無怵惕於心而奮然以循良自勵也歎

民國十八年春三月下旬遂寧縣知事任希亮序於公署之東齋

序

志猶史也修史易修志難修平世之志易修亂世之志難史據歷朝之故實刪繁就簡事等於因志搜當代之新奇並蓄兼收事同於創故修史易修志難平世日張綱舉整齊畫一世遞推而遞嬗方策猶炳若日星亂世政息人亡離析分崩世愈變而愈非黨爭遂成爲冰炭故修平世之志易修亂世之志難遂寧濱涪江上游水陸交衝土沃泉甘物產豐饒人煙輻輳蜀中一大都會也由秦及漢隸州隸郡建置各殊唐宋以來代稱雄鎮明季崇禎遭流賊亂兵燹之餘黎民靡有孑遺文獻不足徵考清承有明之後一切

遂寧縣志

卷一 序

五

六百三三

規制悉因其舊而斟酌損益之康熙二十八年聖祖南巡張鵬翮扈駕道經長洲於李光祿寓所得明楊芳洲太史陳子學中丞所修縣志數卷已殘缺不完逾年奉命撫浙遣人回籍採訪假館節署而詳加修輯焉嗣乾隆十二年浙右田朝鼎知縣事聘石門周彭年修之五十二年滇南李培峒知縣事聘渠縣寇賚言修之光緒二年古秦孫海知縣事聘中江李星根修之迄今又五十年矣天道十年而一變三十年一小變五十年一中變百年一大變此五十年中國體之變革民心之變更疆域之變遷政教之變易胥丁其際不綜新舊而彙輯撰次之微特勝朝傳聞之軼事無由具

道其精詳卽興國創建之宏綱亦弗克深明其要領將何以信今而傳後哉有志者心竊憂之甲子冬縣會開議提及修志眾皆贊同越明年夏設局明倫堂聚處編纂屬余總其成而以徐君東平奉君四承協之同時任採訪者時則有若副貢汪品倫等三十二人任調查者時則有若附生王文淵等七人任編輯者時則有若舉人傅迴瀾等十五人任審察者時則有若拔貢鄔叙倫等六人甫開幕而軍事發生局所遷徙迄無一定靡安硯處延至己巳暮春四易寒暑始克蕝事書成凡八卷列四十二細目不分門類其中關者補之新者增之蕪濫者芟之舛訛者糾之非敢謂揆藻揚芬足以潤色夫鴻業也不過蒐羅散佚撫拾陳遺藉供後人之考訂耳至不純不備之處時局未定靡所折衷掇而正之尙有待於將來同志之君子豈

民國十八年春前清庚寅科進士雲南文士知縣王懋昭謹撰

天下之有志自班固漢書地理志始也其卽夏之禹貢周之職方乎乃漢之地理郡國以下止載戶口縣邑職方十二州以下止載山川藪浸男女多寡其利其畜其穀禹貢九州以下止載山川暨壤之色賦之等物產之貢近世天下之志則自沿革山川形勝戶口賦役物產而外兼載學校風俗人物選舉秩官祀典藝文諸大事罔不備具以故獻之人主俾人主一覽而周知天下之故五方之戶口地形饒瘠奢儉漓樸文教之興替職官之賢否禮義廉恥之修墜人材之盛衰皆燭照而數計於是人主得施其劑量擘畫

遂寧縣志

卷一

舊序

七

×××

焉方今朝廷一統志將成矣一統者何示王者無外也同軌之地縣修其志以上於郡郡於所屬之縣志芟其繁者彙爲郡志以上於省省於所屬之郡志芟其繁者彙爲省志以上於朝廷朝廷於是命官彙各省之志修爲一統志此前代類然也余閱今所修一統志至吾邑遂寧紀載曾不數版豈國體於下邑不詳抑縣志多所闕失乎余故銳意思所以修縣志者莫謂縣志關於一統志特細也蓋凡事起數於下基始於微郡縣仿古之封建故郡縣通於井田九夫爲井四井爲邑四邑爲邱四邱爲甸四甸爲縣四縣爲都制不起井邑則不成縣都矣一夫有遂遂上有徑十夫有溝溝

上有畛百夫有洫洫上有涂千夫有澮澮上有道萬夫有川川上有路制不起遂徑則不成川路矣故邱山積碑爲高江河合水而爲大人合並而爲公自外入者有主而不執由中出者有正而不距所以能合邱里而並天下一道德而同風俗也推之六鄉之制起於五家爲比五比爲閭六軍之制起於五人爲伍五伍爲兩莫不皆然則遂寧之縣志其有係於西蜀之全省者豈其緩哉推之而凡吾蜀之如遂寧天下之如遂寧者又豈其緩哉獨是成吾遂寧之志其較難於天下之縣志者蓋萬萬也天下之縣志皆數十年而一修成書具在守令藏之遞相傳受邑之薦紳先生衣冠

遂寧縣志

卷一

舊序

八

又上

之族莫不抱牘而考故實子孫世守踰時一修特踵其事而增之

耳吾邑舊志

有馬崇文叙

成於陳中丞楊太史蓋前明嘉靖時迨甲申

乙酉間獻賊破城邑人殲焉詩書不灰燼乎有於頽屋瓦礫中得志下卷半皆蠹蝕李長洲收之哀附論著授其子李光祿未就余憫邑志之云亡悼先正之莫究遂搜前典訪故老不啻探魯恭之壁間經伏生之口授踰年而後卒業志之中不具述余有傷者二賦役學校昔賦七千兩贏今賦增定僅十二兩有奇丁止五口而已余守吳吳之劇邑地丁至數百萬昔學殿廡堂閣齋舍亭坊巖且翼犂然可考今學經兵燹明倫堂甫竣工大成殿方有事焉余

守交謁闕里車服禮器猶在嗚呼何其不逮也有幸者二風俗土
產邑之俗魏徵言頗慕文學時有斐然舊志謂民勤耕織士登禮
讓且居官者以致富爲恥一命而上鮮以贓敗所由與齊尙夸詐
功利遠矣邑之產稻稷麥菽芋蔬果核絲綿鹽井而已所由與金
玉纂組者異矣嗚呼鄒魯文學唐魏勤儉其殆庶乎昔周禮小史
掌四方之志卽今郡縣之志也又周禮誦訓掌道方志謂王巡狩
則道一方之山川物產使有所觀覽而知其始末余志成亦欲上
之郡省以備國家輶軒之採風庶幾長養生息廣勵學宮興醇化
而敦本業則傷者可一不傷而幸者果大幸矣

遂寧縣志

卷一 舊序

九

又 乾隆十二年

周彭年 石門

遂之於蜀夙稱平遠且謂水陸所湊宋范石湖帥蜀經此賦有半
年崎嶇得夷路一笑未暇憐飄蓬句其微也今雖以縣治在昔爲
州爲郡爲府爲大藩爲節鎮則歷視爲要隘矣至古今人材輩出
風俗淳美爲全蜀冠茲且賦甲兩川洵爲屹然巨邑其志先作於
明嘉靖陳中丞講楊太史名迨崇禎甲申乙酉疊遭獻賊之亂志
遂無存國朝康熙二十八年張文端公扈駕過吳於李光祿宅始
得殘志先經光祿父長洲公論著文端復加搜訪明年鑄於浙撫
任迄今幾六十年矣惟是文端搜訪於浙長洲論著於吳兩公雖

皆邑人咸於數千里外遙爲秉筆事每缺畧及今不修則前此之遺軼與近有之名宦鄉賢文章韻事日就湮沒他日考文徵獻之君子暨天子輜軒之採風能免淪落無稽之嘆其責要惟司土者是歸乾隆八年外兄田君象三莅任茲邑時余客都門承札遠招適遇邑呂孝廉其樽赴任竹山同車出都其樽文肅公之嫡孫也途中以邑志宜修爲囑及余抵遂未言竹山公所囑而外兄先以志事汲汲爲言是竹山公與外兄未相識而修志事有同心也余固未敢以茲事爲己任顧外兄每因公鄉回日某處得一碑記原志未載也囑收之又幾日日某處得一官名原志未載也囑收之

遂寧縣志

卷一

舊序

十

又謂某集可搜羅某志可參考又謂邑沿革與秩官科甲宜各倣史作表諳託再三余爰不揣譎陋竭力搜討不廢晨夕三閱月而就草又一月而清繕先質諸外兄昆季繼質諸邑中耆宿又上之潼川郡尊柴公各加參校考訂而書成於是郡尊有序外兄有序余亦因贅數言嗚呼余果何知特懼六十年來名宦鄉賢文章韻事與前此遺軼日就湮沒勉從外兄教及竹山公所囑代爲輯錄聊以信今傳後云爾若採藻摛華尙以俟博雅君子

又乾隆十二年

田朝鼎

語溪
象三

前大學士文端張公編遂寧縣志凡四卷區類二十有一蓋本前

光祿卿李公藏稿參稽增益而修於撫浙之日者也文端淹雅清
慎爲賢宰相光祿家學淵源稱名進士二公才識卓絕以邑人誌
邑事宜其典文該洽足以信今而傳後矣間有啟後學吹求如凡
例所陳者光祿客寓長洲於是書固未嘗卒業而文端膺闈寄總
師干政務紛遑殆未暇一一檢校乎又其書之成在仁廟二十九
年歲之庚午距今甲子將週矣典章制度隨時損益亦安可謂昔
之志卽今之志弗煩更作也朝鼎承乏遂寧自問蹇劣不堪致遠
而吏事有職敢不盡力馳驅蒞任之初卽知邑志宜修因隨事札
記積累若干乾隆十年乙丑之夏撫部院飭州縣編輯志書或修
或創無負守土於是益勵駑駘竭蹶搜採適外弟周子彭年來署
屬之編次成書八卷分部三十有五仍著文端原編者懼掠美不
忘始事也不列光祿姓氏者未見其書恐涉附會也而朝鼎瘝官
素食之戒亦因是而加惕矣

又 乾隆十二年

潼川府知府 柴鶴山

聖朝撫有區宇幅員袤廣度越千古世宗孝憲皇帝簡儒臣增修
一統志所以示無外者規模宏遠矣顧非邑志無以成郡志非郡
志無以成省志非省志無以蒼萃損益而成一統志則邑志者固
繪之質屋之基也廟堂之上安能時遣輶車分行都邑以任筆削

而謂美其質築其基非守土之職哉乾隆八年大中丞紀公奉命安撫全蜀文經武緯吏治肅清十年夏通飭牧令呈志書昭官守凡經明末兵燹圖籍散亡者檄令修補殘缺甚則創始纂編務期整頓地方仰負我九重化民成俗之至意十有一年秋八月遂寧令田朝鼎申志稿於守閱其序例蓋本張文端舊志分門別類體製合宜卽修飾考校視昔加嚴成志凡若干卷原編仍列不沒前人之善也至其用意之周則舉僻壤荒陬斷碣殘碑罔不搜羅殆遍寶之貴之復遠稽近考以抵於核實可信間有文獻無徵者仍闕疑而弗斷以臆見夫自明季疊遭流寇蹂躪簡冊蕩然蒐討良

遂寧縣志

卷一 舊序

十二

非易易今其志先他邑而成成之又非率爾若令者庶幾黽勉供職者與繕寫裝潢上之幕府邀大君子之鑒定而鐫於梨棗非特爲郡志省志所託始他日聖天子潤色鴻烈遴選宗工增修一統志文章黼黻塗暨丹雘於是志亦或有什一之憑藉焉

又 乾隆五十二年

潼川府知府

張松孫

長洲
鶴坪

經之降者莫過乎史修史之難無過於志歲遠則異同難密事積則起訖易疏或有同歸一事而數人分功兩記則失於複重偏舉則病於不周斯固總會之難也周官小史掌邦國之志采於輶軒陳諸太史所以觀民俗之涓滴考政治之興廢不綦重歟後世郡

邑有志胥昉於是今地方長吏每營擾於簿書錢穀之不暇視邑乘有無爲無足輕重聽其泯蝕於蝸涎蟬腹者有之偶有一二賢良留心文獻必設局籌費先如聚訟延致名宿廣集紳耆分任採訪丐爲先人附一名立一傳餽賂相將是非倒置吹霜噴露寒暑筆端不免如陳壽希求方作佳傳十羊九牧何所適從閣筆含毫汗青無日人自以爲苟袁家自以爲班馬予甚恥焉乾隆癸卯秋奉命典郡梓州於教養之事次第興舉見一府八縣志乘闕畧遂以重修爲已任因思古之國史皆出自一家如魯漢之邱明子長晉齊之董狐南史咸能立言不朽藏諸名山未聞藉以眾功方云

遂寧縣志

卷一 舊序

十三

絕筆予譎陋未嘗學問何敢方駕古人亦欲取法乎上成一家言乃博集羣書百餘種先詳覽而會通之分檄八屬共相採訪自始事迄今三夏裘葛樂此不疲皆資一手最後乃及遂寧非敢緩也緣邑志爲相國張文端公原本其間改綴增芟必須倍加慎重雖經前令田朝鼎續增纂輯歷年復久無論體裁尙有未協卽應增訂者亦多適滇南李君培峒來宰是邑振興學校講求吏治雅有同治爰屬廣文紳士分事諏訪予得按部就班詳稽確核依郡志例分綱列目成書十二卷計二十餘萬言自信已無遺憾今而後予志遂而志事畢矣夫邑爲唐節鎮重地川北一大都會也境壤

廣表厥土肥沃城池所建環繞羣山而襟帶涪江靈秀磅礴佳氣盤結宜乎物產蕃庶貢賦饒多維嶽降神申甫開出溯前代至本朝不少瑰奇磊落之士舉於魚鹽版築之中作霖雨而潤蒼生樹功勳而鐫鐘鼎他若忠孝節義高人隱逸亦代有標著輝映後先皆足爲邦國之光吾知邑之人士將必有繼簡肅文端而起者是書也雖無采經摭傳之美不免記繁志寡之失而斟酌前志考正異同瞻而不穢詳而有體後之君子不以質直無文恕予之拙則誠幸甚

又乾隆五十二年

翰林院檢討

寇賚言 渠縣

遂寧縣志

卷一

舊序

十四

志與史通史者古今治亂之源國家盛衰之理之所係也志則辨風俗之滄漓考政事之得失他如山川險易土物良枯今昔沿革胥於是乎在固與史相爲表裏者也有地方之責者顧可視爲緩圖哉考之周官外史掌四方之志卽今郡邑之志是也而邑志又卽郡志省志所託始卽太史纂修國史亦得以憑藉焉志與史名雖異而實同故掌外志卽謂之外史天下志乘備儲史館余前協修國史爲文端相國傳曾繙閱遂志文獻足徵較他邑特詳文端遂人也公先創修邑志厥後邑令田朝鼎重修之距今又四十餘年我國家累洽重熙德教敷於四海制度日益詳生民日益盛維

茲一邑所以爲治之道亦久而益備如創革職官名宦選舉人物列女等門之應增入者固多卽體裁閒有未協亦宜隨加修飾吳趨鶴坪郡伯癸卯歲養梓留心教苻凡所有事莫不次第興舉駸駸乎政簡刑清治臻上理見一府八縣志舊多缺畧遂立意修輯考文徵獻三閱寒暑郡邑志以次觀成最後乃及遂寧今亦哀然成帙矣余快而讀之體裁嚴整不拘常格出以史筆分綱列目以土地人民政事爲綱以山川風俗官師選舉學校貢賦之類爲目殫精畢慮探本窮源體例未合者正之事跡之應增者益之莫不折衷至當歸諸詳備凡期有神於治而已卽起文端公而質之當

遂寧縣志

卷一

舊序

十五

八八八

亦樂其有同心也嘗考天下之有志自班固漢書地理志始夫固作史雄才也其序事也瞻而不穢詳而有體使讀之者疊疊而不厭余讀是志擇焉必精語焉必詳自成一家直不難方駕古人以視汗青頭白牴牾不敢自保者何如哉昔元稹謂杜工部詩善陳時事法律精深號爲詩史余於是志亦卽謂之志史也可乎否

又乾隆五十二年

李培峒 午橋

蓋以西京作論曾傳風俗之通東觀昭文聿修百官之表應汝南盱衡當代志人物而成書王武子標舉鄉邦撮山川而寫勝是皆驚才之著述大都作志之權輿亦越於今蔚然斯備要惟足重俟